

Protocol no. 59
Sezzüda da mardi, 18 mai 2010, 20.00 – 23.00

Preschaints: Jon Carl Rauch; Chasper Alexander Felix, Georg Salomon,
Jachen Andri Schmidt e Rico Zini (protocol)

S-chüsada: Marianne Werro-Lehmann

497 021 FABRICA
Swissroof – Ingrondimaint hotel – Avant Baselgia

Il Cussagl cumünal piglia incunter las spiegaziuns dal schef da fabrica a regard l'intent da far our dal Backpacker ün Lofthotel i'l segmaint da 3 stailas.

L'architecta ha fat duos propostas:

1. Prolungar per trais meters (sün 20 m) il stabilimaint existent.
2. Fabrichar ün seguond stabilimaint vers süd. Per quist intent voula ün permiss dal cumün per fabrichar plü dastrusch. Ils plans muossan però cha l'edifizi pigliess davent blera clerità e vista da la chasa cumünala. Il Cussagl cumünal manaja chi füss bun schi's pudess plazzar l'edifizi per 2 – 3 meters plü bass.

Il schef da fabrica orientescha al patrun da fabrica in quist sen, e'l Cussagl cumünal tratta quista chosa plü tard amo üna jada.

499 810.501.24 Proget via da basa Sur En
Via da basa Sur En

Il capo orientescha chi saja entrada üna charta in connex culla realisaziun da la via da basa a Sur En. Duos possessuors da terrain nu sun pronts da laschar far quista via tras lur parcella sco previs aint il proget. Il Cussagl cumünal piglia a cogniziun la charta e decida da trattar la chosa cun ün dals possessuors amo üna jada.

500 021 FABRICA
Dumonda per deponar material da s-chav a Parnarsura / La Fuorcha

Ün patrun da fabrica dumonda da pudair deponar material da s-chav gio'n Parnarsura o La Fuorcha. Il Cussagl cumünal decida seguaintamaing:

- La cumpetenzza da laschar deponar material a Parnarsura sta plainamaing pro la Uina SA.
- Giò la deponia da la Fuorcha esa strictamaing reservà per quantums plü pitschens fin max. 10 m3.

501 021 FABRICA
Retscherchas dendrocronologicas

In connex cun üna fabrica a Palüzot s'haja cun far il s-chav chavà oura plüs bös-chs. L'uffizi da cultura voul cun provas chattar oura quant vegls cha quists bös-chs sun. Las provas cuostan total fr. 6'000.--. Els dumondan scha'l cumün füss pront da surtour la mità.

Il prüm as lessa amo sclerir giò scha cun far il plan da quartier s'haja forsa fingià fat uschè üna prova.

502 300.365 Contribuziuns e donaziuns
Proget Tuors

L'Archiv cultural d'Engiadin' Ota voul in collavuraziun cul servezzan archeologic Grischun l'intenziun da montar tablas d'infuormaziun vi da 14 tuors o ruinas in Engiadina Bassa ed Engiadin'Ota. A Sent füss integrà la tuor San Peder culla baselgia.

Il Cussagl cumünal decida da contribuir fr. 500.-- vi da quist proget. L'import vain pajà cur cha'l proget es realisà.

503 860 PROVEDIMAINTE ELECTRIC
Ouvra electrica Brancla

Il Cussagl cumünal decida da cuntinuar la pussibla realisaziun cul consorzi Ouvra electrica Brancla per adressa Caprez Ingenieure AG, Scuol.

504 810.503.02 Magazin cumünal Tuols
Surdatta da lavurs

Davo avair tut cogniziun dal riassunt da l'architecta e las spiegaziuns decida il Cussagl cumünal da surdar las seguaintas lavuors:

1. Lavuors in metal (minergia)
Fuschina Guarda, Thomas Lampert, Guarda fr. 2'445.--
2. Lavuors in metal (vierchel cabels)
Fuschina Guarda, Thomas Lampert, Guarda fr. 4'547.--
3. Adattamaints portas
B & M Haus- und Agroteck AG, Densbüren fr. 2'366.--

505 021 FABRICA
Valentin Crastan – Ingrondimaint abitaziun – Curtin

Sar Crastan ha l'intenziun d'ingrondir sia abitaziun daplü sco ils 30 m2 previss illa ledscha. El dumonda perquai ün permiss exepziunal da na gnir suottamiss a la ledscha da 1. e 2. abitaziuns.

Il Cussagl cumünal decida da na pudair far ün' exepziun.

506 101 MASÜRAZIUN E TERMAZIUN
Dumonda per ün barat da terrain

Sar Johann Martin Taverna dumonda scha'l cumün füss pront da brattar cun el ün toc terrain per parcar plü bain e confuorm al uorden da traffic seis autos. La sribla vers vest (Chant da Sala) nu serva al cumün nöglia. Il Cussagl cumünal decida ch'ün barat da terrain vain be in dumonda schi vain percenter scurzni o levà la lobgia vers vest chi disturba il trafic.

508 Varia
Datas da radunanza

Las prosmas radunanzas han lö plüprobabel als 16 gün 2010 ed als 8 lügl 2010.

L'actuar: